



Arifagić Investment d.o.o.
Tmopolje 61, 79202 Kozarac
Bosna i Hercegovina
Telefon/Fax: + 387 (0) 52 320 212
email: arifagicinvestment@hotmail.com

JIB: 4403299860002
PDV: 403299860002
ŽR 5514-9022-088-925-63
UniCredit Banka

Datum: 20.03.2017.godine

Općina Bosanski Petrovac

N/r općinski načelnik

Predmet: Odluka

Poštovani,

sa današnjim danom kompanija Arifagić Investment d.o.o. raskida sve ugovore koje je potpisala sa Opštinom Bosanski Petrovac, a naročito Ugovora o zakupu poljoprivrednog zemljišta u k.o. Oraško Brdo i k.o. Prkosi broj 01-31-2028-1/15 iz 2015.godine.

Kao što znate, odlukom komisije nam je bila dodijeljena zemlja i na području Krnjeuše, istu odluku ste poništili i stavili van snage, tako da smatramo da je problem oko tog zemljišta riješen.

Ovom odlukom prestaju sve naše daljnje investicije u opštini Bosanski Petrovac i nadamo se da ćemo u toku ove godine i početkom iduće biti u stanju izmjestiti sva naša grla na drugo područje, a poslovni objekti u Krnjeuši biće predmet prodaje.

Razlozi za ovakvu odluku su:

- odlukom općinskog vijeća jednoglasno je data saglasnost za potpisivanje ugovora o zakupu zemljišta na Prkosima i Oraškom brdu u 2015.godini, ali sada se preispituje sva procedura oko potpisivanja ugovora;
- Na javnom pozivu za dodjelu zemljišta u Krnjeuši izabrani smo kao najbolji ponuđač, ali su rezultati javnog poziva poništeni ;



Arifagić Investment d.o.o.
Trnopolje 61, 79202 Kozarac
Bosna i Hercegovina
Telefon/Fax: + 387 (0) 52 320 212
email: arifagicinvestment@hotmail.com

JIB: 4403299860002
PDV: 403299860002
ŽR 5514-9022-088-925-63
UniCredit Banka

- Odluka o rekultivaciji majdana Zelinovac je donesena od Kantonalnog ministarstva privrede uz saglasnost općine Bosanski Petrovac, ali ispada da ilegalno koristim majdan;
- Općinsko vijeće u sadašnjem sazivu donijelo Zaključak od 09.02.2017. 02/1-02-294-2/2017 kojim se trebaju preispitati sve odluke potpisane ili vezane za moju kompaniju.
- Odluka općinskog pravobranioca da se traži od opštinskog načelnika da raskine ugovor o zakupu poljoprivrednog zemljišta.
- Također, na sjednici Općinskog vijeća dopušteno je određenim ljudima da koriste Općinsko vijeće kako bi blatili mene i moju kompaniju. Na toj sjednici korišten je jezik mržnje od devet općinskih vijećnika i prisutnih gostiju. To isto je poslije emitovano na Radiju Petrovac, iako znamo da je korištenje govora mržnje u javnom prostoru i u medijima zabranjeno.
- Izjave pojedinih vijećnika da sam zalutao u Bosanski Petrovac i promašio grad, izjave pojedinih vijećnika da se iskreno kaju što su dali saglasnost za ugovor iz 2015.godine, izjave pojedinih vijećnika da me načelnik opštine iskorištava za promociju vlastitih ciljeva...generalno, hajka koja se konstantno sprovodi i negativana atmosfera koja se stvorila oko cijelog slučaja poslali su jasan signal da nisam dobro došao u Bosanski Petrovac kao investitor.
- Korištenje ratno-huškačke politike gdje lider jedne političke partije poziva građane Krnjeuše na sjednicu OV, gdje oni govore da će 40 porodice iseliti iz Krnjeuše ako se mojoj kompaniji dodijeli zemlja u Krnjeuši.

Također, uz svu ovu orkestriranu kampanju oduzimanja zemljišta, izvršen je fizički upad u krug moje kompanije gdje je sasječena i oštećena velikim dijelom najlonska folija na silaži koja služi za ishanu krava. Ovim se vjerovatno želi ubrzati moj odlazak jer kad vam oduzmu zemlju i unište već postojeću hranu bićete prisiljeni da što prije iselite.

Kompanija Arifagić Investment je do sad uložila oko milion KM u opštinu Bosanski Petrovac, zaposlila dio lokalnog stanovništva, planovi su bili da se u ovoj



Arifagić Investment d.o.o.
Trnopolje 61, 79202 Kozarac
Bosna i Hercegovina
Telefon/Fax: + 387 (0) 52 320 212
email: arifagicinvestment@hotmail.com

JIB: 4403299860002
PDV: 403299860002
ŽR 5514-9022-088-925-63
UniCredit Banka

godini ulože značajna sredstva i u potpunosti obnovi FANA i popuni sa 800 grla, zaposli do 50 radnika i da se pokrene proizvodnja. Moja kompanija i ja smo u Bosanski Petrovac došli na osnovu određenih odluka o dodijeli zemljišta koje su bile osnova za kupovinu pogona Fane i pokretanja proizvodnje. Danas se pokazuje da sam doveden na osnovu lažnih obećanja zahvaljujući većini u OV i da su mojoj kompaniji i meni nanesene velike ekonomske štete. Iz ovih razloga pokrenuću više tužbi za naknadu nastale štete protiv Opštine Bosanski Petrovac i dijela općinskih vijećnika. Također, pojedinci koji obavljaju prljave poslove za svoje političke mentore snosiće krivičnu odgovornost.

Insistiraju da se istraži koje su osobe iz opštinske administracije dijelile povjerljive podatke o mojoj kompaniji ljudima sa ulice. Obzirom da je ta dokumentacija bila upućena opštini Bosanski Petrovac, koja je bila dužna da štiti privatnost.

O novonastaloj situaciji do sada su obavješteni Visoki predstavnik Valentin Inzko, predstavnik EU u BiH gospodin Vigemark, jedan dio ambasadora zapadnih zemalja, uputiću dopis ambasadi Norveške u BiH, vladi Kraljevine Norveške i poslovnim partnerima iz Norveške. Sve ovo će doprinjeti da investitori zaobiđu Bosanski Petrovac kao mjesto za investiranje, kako bi većina u OV mogla kontrolisati sve procese u svom gradu jer to je grad koji isključivo pripada vama. Svim čestiti građanima Bosanskog Petrovca kao i čestitim općinskim vijećnicima koji su željeli dobro svom narodu se iskreno zahvaljujemo na dosadašnjoj saradnji.

Ovlašćujem opštinskog načelnika Zlatka Hujića da ovo pismo pročita na prvoj narednoj sjednici OV, kao i da isto kopira i podijeli svim vijećnicima OV.

Srdačan pozdrav.



Isuf Arifagić, direktor.

Isuf Arifagić